

"Qamchiq" dovonida avtotransport vositalarining xavfsiz o'tishi ta'minlandi



Avtomobil yo'llari qo'mitasi tizimidagi "Qamchiqavtoyol" ixtisoslashtirilgan yo'llardan foydalanish unitar korxonasi tomonidan 2020-2021-yillarning qishqi-qirovli kunlarida Toshkent – vodiyo'nalishi bo'yicha "Qamchiq" dovonidan o'tuvchi yo'lda avtotransport vositalarining xavfsiz harakatlanishi ta'minlanmoqda.

Shu maqsadda maxsus yo'l texnikalari shay holatga keltirilib, qum va tuzlarning zahiralari yetarlicha jamlanib, navbatchi ishchi xodimlarga shart-sharoitlar yaratildi.





O'zbekiston Hidrometeorologiya xizmati markazining 2020-yil 16-noyabr kuni taqdim etgan axborot xabarnomasidan kelib chiqib, 2020-yil 18-19-noyabr kunlari "Qamchiqavtoyol" ixtisoslashtirilgan yo'llardan foydalanish unitar korxonasi tomonidan A-373 "M-39 Guliston – Bo'ka – Angren – Qo'qon – Andijon orqali – O'sh" avtomobil yo'lining 185-285 (108-208) kilometrda ishlar tashkil etilib, yo'lsozlarimizning kunu-tun davomida sa'y-harakatlari va tinimsiz mehnati bilan yo'llarda tozalash ishlari amalga oshirildi.



Shuningdek, yurtimizga sovuq havo oqimining kirib kelishi natijada "Qamchiq" dovonida tinimsiz yoqqan qorlarni tozalab, avtotransport vositalarning muntazam harakatlanishini ta'minlash maqsadida korxonadan yo'llarni tozalash ishlariga 115 ta maxsus texnika hamda 400 dan ortiq ishchi-xodimlar jalb etildi.



Ayni damda, "Qamchiq" dovonidan o'tuvchi hamyurtlarimiz hamda xorijiy avtotransport vositalarining ikki tomonlama muntazam qatnovi to'liq ta'minlangan.

Qo'mita matbuot xizmati